

平鄉縣志卷三

平鄉縣知縣括蒼楊 喬蓮深纂輯

教諭棘津鄭廣緒坤裳校訂

學校

學宮在縣治東偏地基址南北長一百一十九步二小

尺東西長五十一步一小尺

學前路窄不能容軌貢生王寅將基地捐

施五尺東西十四丈今稍寬

大成殿宋大中祥符間始建在縣治東南元季廢大觀

元年重修立大觀聖作碑在今戟門內左字多沒

平鄉縣志

卷三 地理下

一

城不可讀元大德十一年立封宣聖碑在今戟門

內右明洪武七年知縣王藻因舊基就坦改建今

地永樂三年知縣白燹正統六年知縣邱陵重修

成化三年知縣馮允中改建拓三楹為五楹弘治

十六年知縣唐澤正德十五年知縣丁懲懷宗二

年知縣朱啟元皆重修

本朝額設歲修銀十兩每年於地糧內給發教官隨時補

葺

東西廡各七間明正德二十六年按院傅鎮與知縣劉

鎮增修有碑記隆慶五年知縣陳九疇萬歷四年  
通判趙完九年知縣王應懷宗十年知縣江衍汝  
相繼修葺

本朝雍正九年知縣朱之璣 乾隆四年知縣李時憲重  
修

戟門三間前後角門各一間 順治十六年知縣唐衍

敬修 康熙十一年教諭張鼎銓重修

櫺星門三間明萬歷十四年知縣路蛟改建

泮池明正德二十六年知縣劉鎮鑿

平鄉縣志

卷三 地理下

二

圍牆 康熙<sup>五十八年</sup>知縣張文煌築

東西二坊 順治十六年知縣唐衍敬建

明倫堂在大成殿後明正德十五年知縣丁懲改建高

三仞有奇凡五間樹臥碑于東北隅

國朝雍正元年知縣趙道元重修手書白鹿洞條規于屏

間堂前東五間爲存心齋西五間爲養性齋俱知

縣丁懲修今圯東齋南東一間爲禮門西齋南西

一間爲雲衢門亦知縣懲修 乾隆十二年教諭

鄭廣緒重修

尊經閣五間在明倫堂後明萬歷十五年順德府知府  
王守誠捐資知縣路蛟建

國朝順治十五年知縣蔣振周重修今圯

射圃在尊經閣東明懷宗八年知縣江衍汝建

崇聖祠三間在文廟東南順治十年知縣陳天清重修  
康熙二十八年知縣趙璧重修

敬一亭舊在戟門外明嘉靖五年知縣捏經建一十六  
年知縣劉鎮改建於啟聖祠南築高爲臺亭其上  
以樹敬一箴今圯

平鄉縣志

卷二 地理下

三

文昌閣重簷二間在文廟東南康熙二十七年知縣朱  
昌運建 乾隆五年知縣李時憲重修

奎樓一楹在學宮東南城上明萬歷五年知縣何允升  
曾建文峰塔後傾圯

國朝康熙五年知縣王應麟以平邑地勢坦平鮮峰巒秀  
拔之奇文峰塔爲巽峯乾艮方皆有高閣輔之三  
方鼎峙缺一不可遂恢擴舊基創建奎樓玲瓏四  
面 乾隆八年訓導陳勳捐資率紳士重新之

名宦祠

鄉賢祠

教諭宅在文廟東 康熙六年改立社學後復為

宅外門一間廳三間書房二間後為住房 乾隆

十四年教諭鄭廣緒增修

訓導宅在教諭宅後外門一間久廢廳三間後為

住房

儒學大門三間在櫺星門東 乾隆十四年教諭

鄭廣緒補葺

照壁一座在大門外

平鄉縣志

卷三 地理下

四

社學舊在城西明洪武八年知縣李健立久廢萬

曆二十九年知縣蔣廷儀改建在小尊街懷宗八

年知縣江衍汝重建

本朝康熙初年裁教諭缺即以其它立社學後復設教諭

遂移社學于縣署東 乾隆四年知縣李時憲重

葺捐膏火地四十七畝七分六釐嚴立課程有碑記

各鄉義學一在馬莊舊設一在田禾舊設 乾隆十三年重修

一在辛莊雍正四年建一在董家庄舊設

學田一在楊村 共地六十四畝明

萬歷二十七年置一在葛村周張其地一頃八十  
六畝明懷宗十年置

山川

按畿輔通志考定

滏河在城東七里發源於鼓山南巖下泉源奮湧  
若滏揚湯故名滏東行二里與黑龍洞水匯其源  
始大黑龍洞卽神麇山也經磁州城東北又東流  
入邯鄲會渚沁二河又東北經廣平府城南轉而  
東逕曲周縣東又北經鷄澤縣東始流入平鄉界  
下抵任縣之邢家灣按滏水至平邑已經上游疏

平鄉縣志

卷三

地理下

五

引水力稍弱雖秔稻未宜而夾岸畦園若干頃灌  
汲之利于斯普焉

舊漳河在城東南十五里新漳河在舊漳東十五  
里按漳有二源清漳出山西太原府平定州樂平  
縣沾嶺濁漳出山西潞安府長子縣發鳩山至河  
南彰德府涉縣東南合流曰交漳口經磁州廣平  
等處入平鄉境西位村至東北馬魯村入鉅鹿界  
數折至武邑縣東與滹沱會明成化十七年東決  
自麟兒村至蘓家庄入廣宗界自是舊漳無水考

曲周縣東橋向係漳滏合流

本朝康熙二十三年漳河東徙二十二年復歸六月間仍循東流自五十五年丙申水不至平而新漳無水惟上流衝決水湧不常

落漠水在城西五里洛河分流也下合滏水

沙洛合流在縣西十里與南和鷄澤接壤洛河源自武安縣西北三門山沙水出沙河縣經永年鷄澤與洛水會考方輿紀要曰平鄉之境左舒而右縮洛河在境上沙河在境外沙洛合流在平鄉南

平鄉縣志

卷三 地理下

六

和之間

滏陽西堤起縣東南界循滏西岸北抵任縣界明正統二年知縣邱陵修

落漠東堤起縣西南界循落漠東岸北抵南和界正統六年亦知縣陵修

弘治十五年諸河皆溢知縣唐澤請與曲周各沿新河聯築長堤以障漳水吾堤成而曲周苟且塞命乃卽其側築斜堤屬於舊漳之左未幾曲堤果決水抵斜堤而還名曰安東堤請與雞澤南和各

修舊堤恐其或類曲周乃于落東溢西兩間斜築長堤以相聯而邑西無患名曰鎮西堤二堤成而東西河古廟麟兒小寨四村置安東外南北柴村麻頭寨東西新寨五村置鎮西外均免其門頭修築軍需車驟等役永爲定例各有碑記康熙三十九年北征軍需知縣莫公免 雍正八年西征軍需知縣朱公免 乾隆十年修城知縣周公免 乾隆十四年征勒大金川十五年 聖駕 巡幸中州余循舊例悉予寬免 溢東堤舊越雞澤羅官營抵曲周五間房而止水發每自彼溢唐公乃躬詣其地而理論之接築斜堤上屬於舊漳堤

平鄉縣志

卷三 地理下

右而邑中無患名曰奠中堤

新漳河堤 順治十二年修先是平鄉曲周各執

已見舍堤不修連年構訟總督李公親詣相度形

勢曲在上游平居窪下議修曲周順河堤曲修其

六平修其四水不至曲自不至平以後堤壞曲周

自修如曲周再有異議則平鄉任置橫堤以保其

境具題奉

旨通行立碑存案

夏庄橋還河口北岸 順治十七年修夏庄處河

口南地高亢居屋之脊河口以北夾大小河居者  
田庄楊村節固二十餘村當其下每流一溢則建  
甌之勢一方爲沼而河口北岸實爲保障河口寬  
丈餘其深入地過之岸高三尺許庚子大水衆謀  
葺治而夏庄凭高自固時府憲郭公礎喻以利害  
捐俸錢十千經歷沈督修邑生員劉本原記于  
石

新漳河西岸 康熙四年築時鉅鹿于賈庄前私  
築橫堤平邑受害知縣張應麟捐俸銀五兩買鹽

商薛進武地五畝築堤

滏河橋曰張家橋堤西橋夏庄橋馬庄橋游召橋  
田二疇橋尹村橋竇二疇橋重義町橋今張家橋  
久廢添建徐家橋在游召橋之南漳河橋曰麟兒  
橋河古廟橋董固橋范家橋鄧家橋蘓家橋  
落漠河橋係

乾隆十二年知縣徐宗淮修董事生員曾俊英

文明閘在堤西橋南明萬歷六年知縣何允升夏  
一儒建開渠引水由東南隅入城河澆地十餘頃



本朝雍正元年知縣趙道元重修董成督工生員張冲斗復興闢在張家橋西 乾隆十二年前漢陽守署縣事陳文言重修規模已就尙未得實濟自知縣楊喬到任命董事生員張普禧築岸疏渠始得灌溉之利併泐規條以垂永久

利民閘六座明萬歷三十年知縣蔣廷儀建一橫頭村東一馬庄橋南一尹村橋北一游召橋南一堤西橋北一夏庄橋北今廢 雍正三年知縣趙

道元重修霍林寨三村助石若干永免車牛騾馬

平鄉縣志 卷三 地理下

沙堤等役有碑記

古蹟 十條

慶陶故城 相傳卽南嶽故城漢桓帝時改置在今縣東十五里艾村往往侵晨霧露中望之隱若雉

堞其址微存

鉅鹿舊城 通志云在平鄉縣卽今縣治漢置縣爲鉅鹿郡治舊唐書地理志云平鄉漢鉅鹿郡故城

在今縣北十一里

大老營舊城 在今縣西北六里四門磚礫土堰畧存

沙邱平臺 紂八祀築沙邱苑臺周赧王二十二年歲趙主父築宮公子成弒之于此趙世家註在縣東

北二十五里一統志在縣東北三十里太平鄉始皇崩于沙邱平臺卽此按今縣東北有王固岡岡

形尙存或皇故訛王固耳又舊志云在縣南五里蓋南北連延數十里總謂沙邱

枯泮渠舊傳信都有枯泮渠今縣東北流渠村或傳倭聞水聲疑即此也

封爵觀項羽救鉅鹿大破秦師還行封爵賞築觀于此其址莫考

衛靈公墓舊志云縣南五里柴口村前相傳地裂見石門題曰衛靈公墓中有綠水溢出寒氣逼人

不可入考靈公卒于周敬王二十七年此時平鄉入衛莊子則陽篇佈帛曰公死卜葬于故墓不吉

卜葬于沙邱而吉掘地得石槨有銘曰不馮其子靈公奪而里之里字與子字叶古謂窀穸為蒿里

舊志作埋俗本訛也今平鄉東南一帶皆沙邱故地而廣宗長垣及山東觀城皆誌其墓或附會耳

時苗墓在縣東北二十里官庄前時字德胄邑人漢末為壽春令歲餘見曹將移漢橐官歸初之任乘

一黃特車特生一犢謂父老曰是尔士所生非我有也留之歸屏居太平鄉今時村其後也

平鄉縣志 卷三 地理下

羅士信墓在縣東周天村舊志云羅誠字士信從隱太子征黑闥于洛水

是秦王事至隱太子攻黑闥于昌樂已無士信舊志誤也今據通志改正士信歷

城人唐高祖初封郊國公從秦王擊劉黑闥于洛水上得一城語諸將孰能守此士信曰願以死守

乃命之賊悉衆來攻雨雪八日救兵不進城陷不屈而死謚曰勇入名宦中

金雀王墓在城東北二十里孤塚巍然史稱周太祖葬邢州又太祖項上有痣如雀形微時人呼為

郭雀兒

